



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;
necnon varia summorum Pontificum Decreta, contra Moralis corruptæ
propositiones, & alia

Genet, François

Parisiis, 1703

Q. 7. Si Confessarius non imponat satisfactionem convenientem,
tenetur-ne Pœnitens illam augere ut satisfaciat divinæ justitiæ?

urn:nbn:de:hbz:466:1-40817

De Sacram. Pœnit. Cap. VII. 91

Quæst. 7. Si Confessarius non imponat satisfactionem convenientem, tenetur-ne pœnitens illam augere, ut satisfaciat divinæ iustitiæ?

Resp. Certum est, quod cum peccata mortalia magna satisfactionis opera exigant, indulgentia aut ignorantia Confessorum non potest pœnitentem ab iis dispensare; oportet ut tunc studium, in se vindicandi injuriam Deo factam, eum excitet ad Pœnitentiam criminum suorum magnitudini convenientem sibi imponendam. Hæc perniciosa Confessorum indulgentia, eum non impedire debet, quominus æqualitatem, justamque proportionem servet, quæ inter peccata, & satisfactionem esse debet, & ita dignos fructus Pœnitentiæ facere.

Quoniam, ut ait S. Augustinus: *Non sufficit mores in melius commutare, & à factis malis recedere, nisi etiam de his quæ facta sunt, satisfaciat Deo, per Pœnitentiæ dolorem, per humilitatis gemitum, per contritionis Sacrificium, cooperantibus elemosynis.*

S. August.
Homil. ult.
tima, lib.
50.

Pro capitalibus verò criminibus, inquit S. Cæsarius, addenda sunt lacrymæ, & rugitus & gemitus, continuata, & longo tempore procrastinata jejunia, largiores elemosynæ, etiam plusquam nos ipsi valere possimus, eroganda.

S. Cæsarius,
Homil. 8.

Renunciandum est saculo, ait S. Ambrosius, somno ipsi minus indulgendum, quàm natura postulat, interpellandus est gemitibus, interrumpendus est suspiriis, sequestrandus orationibus, vivendum ita, ut vitali huic moriamur usui, seipsum sibi homo abneget, & totus mutetur.

S. Ambros.
lib. 2. de Pœnit.
cap. 10.

Grandi plaga altâ & prolixâ opus est mæ-

S. Ambros.
in Epist. ad
Virg. lapsam.
cap. 8.

dicinâ, ait idem Sanctus, *grande scelus, grandem habet necessariam satisfactionem.*

„ Quare, ut ait S. Basilius; *Itaque attende tibi ipsi*, ut proportione, hinc quoque muteris, ex admota tibi medela valetudinis instaurandæ subsidium. Magnum est & grave peccatum, multâ opus habes confessione, lacrymis amarulentis, peracri contentione vigiliarum, indivulso & continenti jejunio.

Hugo, à S.
Victore. lib.
2. de Sacram.
p. 14. cap. 21.

Si in correctione minor est afflictio, quam in culpa fuit delectatio, non est dignus Pœnitentia fructus, ait Hugo à sancto Victore.

Lib. 2. de vi-
ra contem-
plativa. cap.
7.

Quod si ipsi iudices fiant, ait S. Prosper, & *veluti sua iniquitatis ultores, hic in se voluntariam pœnam severissima animadversio- nis exerceant: temporalibus pœnis, mutabunt aterna supplicia, & lacrymis ex vera cordis compunctione fluentibus restinguent aterni ignis incendia.*

Theodore „
tus. in E-
pist. divi „
nor. Decre- „
torum. cap. „
de Pœnit. „

Et sicut expressè dicit Theodoretus: *Sunt ergo medicabilia*, etiam quæ post Baptismum fiunt vulnera; medicabilia autem, non ut olim, sed per multas lacrymas, & fletus, & luctus, & jejunium, & orationem, & laborem facti peccati quantitati respondentem.

S. Petrus „
Damian. „
Serm. 58. „
sive 2. de „
S. Andrea „

Nec tibi blandiaris, ait Petrus Damiani, *si graviter peccanti levior Pœnitentia, vel à nesciente, vel à dissimulante dicitur, cum in purgatoriis ignibus perficiendum sit, quidquid hic minus feceris; quia dignos Pœnitentiæ fructus quærit Altissimus. Licet autem non evaserit manus Dei viventis, qui tibi plene non consuluit: tibi tamen ratio magistra præfidet, quæ te doceat tantum à licitis abstinere, quantum te meminervis illicita perpetrasse.*

Quæst. 8. Quomodo Confessarius se ge-